

MEDUNARODNE KOMORSKE ASOCIJACIJE

1. ICC –International Chamber of Commerce-www.iccwbo.org.



Međunarodna trgovinska komora (MTK), osnovana 1919.godine, je najstarija i najveća svjetska poslovna asocijacija. Aktivnosti su usmjerene ka kreiranju i izradi međunarodnih pravila i standarda kao i donošenju preporuka za rešavanje problema. U svom sastavu ima 12 komisija (Komisija za antikorupciju, Komisija za arbitražu, Komisija za bankarsku tehniku i praksu, Komisija za carinu i trgovačka pravila, itd).

Ciljevi su: Postavljanje pravila i standard; Promovisanje rasta i prosperiteta; Širenje poslovne ekspertize; Zalaganje za internacionalni biznis; Branilac multilateralnog trgovinskog sistema; Pružanje praktičnih usluga biznisu; Borba protiv privrednog kriminala; Unapređenje međunarodne trgovine, usluga i investicija, kao i otklanjanje prepreka i poremećaja u globalnoj privredi; Unapređenje sistema tržišne privrede koja se zasniva na slobodnoj i otvorenoj konkurenciji među preduzećima; Borba protiv protekcionizma u svim njegovim oblicima, odnosno zalaganje za što veće kretanje roba, usluga, kapitala i tehnologije itd.



Izdavačka delatnost pokriva tri kategorije:

1. Pravila i priručnici
2. Profesionalni savjeti
3. Posebne studije o određenim tržištima i segmentima poslovanja

Najtraženiji naslovi u izdavačkoj djelatnosti MTK su Incoterms pravila i Modeli međunarodnih ugovora (kupoprodajni, franšizing, agencijski, posrednički, distributerski). Vrlo su značajna izdanja iz oblasti bankarstva i elektronske trgovine.

Prednosti za članice VTK/STK BiH:

- mogućnost prevođenja i objavljivanja izdanja ICC, npr. Incoterms, vodiči, uputstva, pravila i sl.
- putem komisija i radnih grupa kreiraju se i prosljeđuju inicijative prema nadležnim vladama koje imaju uticaj na rad i poslovanje kompanija;
- članovi ICC kreiraju pravila, standarde i principe vođenja međunarodne trgovine;

-putem ICC, članovi imaju privilegovane veze sa međunarodnim organizacijama kao što su WTO i UN.

Kontakt: ICC Headquarters

33-43 avenue du President Wilson, 75116 Paris

Tel: +33 (0) 1 49 53 28 28

Fax: + 33 (0) 1 49 53 28 59

icc@iccwbo.org

2. World Chambers Federation-WCF <http://www.iccwbo.org/about-icc/organization/world-chambers-federation/>



SVJETSKA FEDERACIJA KOMORA

Svjetska federacija komora predstavlja svjetski forum trgovinskih komora osnovan 1950.godine sa misijom da jača komore širom sveta, kao jedinstveno mjesto za razmjenu iskustava i stručnog znanja o pitanjima koja se tiču trgovinskih komora.

Glavne aktivnosti:

- Upravlja sistemom ATA karneta za bescarinsko privremeno kretanje roba lancem njegovih međunarodnih garancija;
- Unapređuje mrežu svjetskih komora i globalnu elektronsku mrežu;
- Razvija svjetski program pomoći i obuke za komore radi poboljšanja njihove sposobnosti upravljanja i pružanja usluga;
- Organizuje kongres svjetskih komora.
- Preko 12.000 privrednih komora i njihovih asocijacija u 130 zemalja su članovi Svetske federacije komora.



ATA KARNET

Karent ATA (franc./engl. Admission Temporaire / Temporary Admission) je jednostavan međunarodni carinski dokument koji temeljem međunarodne Carinske konvencije o ATA karnetu, zamjenjuje nacionalne carinske dokumente za privremeni izvoz, privremeni uvoz i provoz (tranzit) robe, čime se pojednostavljuje carinski postupak i na taj način olakšava i ubrzava promet određenih kategorija roba.

Izdavač ATA karneta je nacionalna privredna komora u zemlji potpisnici konvencije, a u Bosni i Hercegovini to je Vanjskotrgovinska/Spoljnotrgovinska komora BiH, koja je od 18. Aprila 2011. godine aktivna članica ATA sistema u okviru izdavačko-garantnog lanca pod okriljem Međunarodnog ureda trgovačkih komora iz Pariza (ICC).

Carinske administracije u 73 zemlje svijeta su prihvatile ATA karnet kao garanciju da će sve carine i takse biti plaćene ako se roba deklarirana ATA Karnetom ne koristi sa pravilima za njeno korištenje.

Sistem ATA karneta je savršen prikaz kako uska saradnja carinskih vlasti i poduzetnika može olakšati međunarodnu trgovinu.

Svaka zemlja ATA lanca ima jedno garantno tijelo, ovlašteno od strane nacionalne carinske vlasti i ICC-a.

Tokom godina, ATA Karnet sistem se proširio od samo nekoliko zemalja Zapadne Evrope u sve veći broj zemalja i zemalja u razvoju .Svake godine se u svijetu izda preko 175 000 ATA karneta, koji pokrivaju robu u vrijednosti više od US \$ 25 milijardi dolara.

MEĐUNARODNA ARBITRAŽA

Osnovana 1923.godine, danas je Međunarodna arbitraža prihvaćena širom svijeta kao najpoznatiji način za rešavanje međunarodnih trgovinskih sporova. Od osnivanja obrađeno je preko 10 hiljada slučajeva, u kojima su bili involvirani učesnici i arbitri iz 170 zemalja.

Prednosti za članice VTK/STK BiH:

- izdavanje ATA karneta;
- Certifikat o porijeklu;
- učešće u radu Svjetske komorske mreže relevantnim projektima
- poslovi arbitraže.

Arbitražni sud pri VTK/STK BIH

Arbitražni sud je nadležan za arbitražno rešavanje sporova u privrednim i drugim imovinsko-pravnim stvarima. U odnosu na redovni sudski postupak, postupak pred Arbitražnim sudom je jeftiniji, brži, neposredniji. Postupak je fleksibilan, neformalan i jednostepen. Postupak nije javan. Bez pristanka stranaka ne može se otkriti njihov identitet, rasprave se održavaju samo uz prisustvo stranaka i od njih ovlaštenih lica, a arbitražne odluke se ne objavljuju.

Arbitražni sud je nezavisan organ, samostalan u svom radu i odlučivanju. Arbitraža je nadležna za rješavanje sporova koji ispunjavaju sljedeće uvjete:

1. da se radi o trgovačkom sporu u kojem stranke mogu slobodno disponirati predmetom spora, gdje Arbitraža može, na zahtjev jedne ili obje stranke, da posreduje radi mirenja,
2. da za tu vrstu spora nije predviđena isključiva nadležnost redovnog suda,
3. da su se stranke sporazumjele o nadležnosti Arbitraže.

Postupak je brz i efikasan, a dužina trajanja postupka je maksimalno do godinu dana od momenta konstituisanja Arbitražnog vijeća ili izbora arbitra pojedinca.

Arbitražna presuda je konačna i na nju se ne može žaliti. Ona ima snagu pravosnažne presude redovnog suda.

3. EUROCHAMBRES – Asocijacija evropskih komora - www.eurochambres.eu



Eurochambres, osnovana 1958. godine, je najveća evropska poslovna asocijacija sa zadatkom da predstavlja interese evropskih firmi pred organima i tijelima Evropske unije.

Ciljevi:

Predstavljanje mišljenja, stavova i potreba svojih članica u Evropskim institucijama obezbjeđujući pri tome javnost u radu, za svoje članice i evropske medije i institucije;
 Implementacija i sprovođenje politike, programa i projekata EU u saradnji sa komorama članicama, nacionalnim organizacijama i drugim partnerima a koji se odnose na poboljšanja ekonomskih i trgovinskih odnosa zemalja članica EU i trećih zemalja;
 Prema Mاستrihtskom ugovoru Eurochambres je direktno uključen u rad Evropske komisije u vezi sa svim pitanjima vezanim za socijalnu i politiku zapošljavanja;
 Povezivanje komora članica u mrežu u cilju poboljšanja kvaliteta usluga koje se pružaju krajnjim korisnicima;

Promocija kapaciteta i snage mreže evropskih komora;

Bolji i brži razvoj postojećih odnosa sa međunarodnim institucijama kao i učestvovanje u procesu donošenja odluka u Evropskim institucijama, itd.

Eurochambres učestvuje u kreiranju, razvoju i implementaciji programa u cilju unapređenja evropskog ekonomskog razvoja kroz privredne komore i to:

Programima koji dovode do razvoja privrednih komora a uključuju transfer know-how kao i razmjenu prakse među njima;

Programima u kojima su angažovani postojeći eksperti komora (promocija izvoza, razvoj malih i srednjih preduzeća, informaciona mreža, itd).

Eurochambres pruža poslovnu podršku svojim članicama u 46 evropskih zemalja.

Privredne komore članice Eurochambres, koje preko Eurochambres sarađuju na međunarodnom nivou, stvaraju široku evropsku mrežu koja je jedinstvena u pružanju usluga od Kipra do Irske i od Lisabona do Helsinkija.

Preko svoje organizacije Eurochambres garantuje pan-evropsku pokrivenost, izražavajući na taj način interese evropske poslovne zajednice.

Prednosti za članice VTK/STK BiH:

-kroz direktno članstvo ostvaruje se učešće u projektima finansiranim od strane EU.

Dosadašnji uspješno realizovani projekti: "Partners"; "Partners for Investment Promotion"; "Tempus"; "PACE" itd.

-edukacija komorskog osoblja iz cijele Bosne I Hercegovine putem Eurochambres Academy;

-izrada ekonomskih studija za Zapadni Balkan;

-partnerski odnosi komora iz BiH sa evropskim komorama.

Kontakt:

[Avenue des Arts, 19 A/D B-1000 Brussels, Belgium](https://www.eurochambres.eu)

- Tel: +32 (0)2 282 08 50 -

Fax: +32 (0)2 230 00 38 -

eurochambres@eurochambres.eu

4. Asocijacija balkanskih komora (ABC)



Asocijacija balkanskih komora je 1994.godine osnovana sa ciljem podsticanja privredne saradnje i pružanja podrške ekonomskom razvoju zemalja članica i regiona u cjelini, olakšavanja i ukidanja viznog režima, uklanjanja barijera u trgovini i uspostavljanja jedinstvene zone slobodne trgovine, usklađivanja sprovođenja strukturnih reformi i prilagođavanja uslovima poslovanja u EU, poboljšanja imidža regiona Balkana u svetu.

ABC ima 10 članova - nacionalnih privrednih komora 10 zemalja Balkana: Grčka, Bugarska, Makedonija, Srbija, Crna Gora, Turska, Albanija, Rumunija, Kipar i Bosna i Hercegovina.

Osnovne aktivnosti:

Proučavanje normativnih akta i ekonomske situacije u raznim zemljama, dodirne tačke između njih i komplementarnosti njihovih privreda, kao i tendencije u njihovom razvoju. Uspostavljanje klime koja olakšava saradnju među kompanijama iz zastupljenih strana, kao i razvijanje i proširenje već uspostavljenih kontakata između tih kompanija. Olakšavanje saradnje između svojih članova – unija/komora putem povećanja obima razmene informacija, uspostavljanja trajne međusobne povezanosti njihovih baza podataka i rada na stalnim kontaktima između kompanija zastupljenih zemalja; Unapređivanje strukturalnih promjena u svojim privredama u skladu sa ekonomskim kriterijumima i standardima Evropske Unije, a u cilju olakšavanja procesa tranzicije i uključivanja u Uniju.

5. Međunarodna Unija drumskog transporta-IRU-www.iru.org



Međunarodna Unija drumskog transporta je osnovana u Ženevi 1948.godine. Danas Unija ima svoje članice u 73 zemlje svijeta, te širom svijeta zastupa interese industrije putničkog i teretnog drumskog prevoza. Kao takva, IRU posjeduje globalnu viziju i

efektivno djeluje na međunarodnom, regionalnom, nacionalnom pa čak i na lokalnom nivou sprovodeći svoj moto: "Zajedno do bolje budućnosti". Vanjskotrgovinska komora Bosne i Hercegovine – Udruženje međunarodnih cestovnih prijevoznika tereta (Association of International Road Hauliers – AIRH) kroz članstvo u IRU-u već dugi niz godina, osigurava najaktuelnije informacije iz oblasti transporta za svoje članove, učestvuje u kreiranju globalnih transportnih inicijativa, te osigurava podršku IRU u vlastitom djelovanju. Dodatno, na osnovu TIR Konvencije, a pod okriljem IRU-a funkcioniše i TIR sistem, koji je uspostavljen u 71 državi svijeta, među kojima je i Bosna i Hercegovina.




Za izdavanje TIR karneta i garantiranje operacija pod TIR karnetom u Bosni i Hercegovini ovlaštena je Vanjskotrgovinska/Spoljnotrgovinska komora Bosne i Hercegovine – Udruženje međunarodnih drumskih prevoznika tereta. Svi operativni poslovi koji se odnose na izdavanje TIR karneta odvijaju se unutar TIR odjeljenja Vanjskotrgovinske komore BiH.

Carinski tranzitni sistem TIR je osmišljen da maksimalno olakša međunarodno kretanje roba pod carinskim pečatom. Ovakav sistem zanimljiv je i transportnim operaterima i carinskoj upravi zbog svoje jednostavnosti i učinkovitosti, ali i zbog toga što tranzitnim državama garantira pokrivanje carina i poreza u slučaju zloupotrebe (krijumčarenja).

Prednostiza članoveVTK/STKBiH:

- smanjuje troškove transporta smanjujući formalnosti i kašnjenja u tranzitu,
- olakšava kretanje u tranzitu primjenom standardizovane regulative i dokumentacije,
- nema potrebe za depozitom (garancijom) na granicama tranzitnih država.
- samo "bona fide" prevoznicima je dozvoljeno korištenje TIR karneta - čime se povećava sigurnost sistema, što kao krajnji rezultat, potiče razvoj međunarodne trgovine

6. Međunarodna Federacija asocijacija špeditera -FIATA –www.fiata.com



FIATA je nevladina organizacija, osnovana 1926.godine, koja danas zastupa oko 40.000 špediterskih i logističkih kompanija poznatih i kao "Arhitekta transporta" koji zapošljavaju oko 9 miliona ljudi u preko 150 zemalja. Vanjskotrgovinska komora Bosne i

Hercegovine – Udruženje međunarodnih špeditera član je ove organizacije dugi niz godina.

FIATA se pozicionirala kao konsultant u okviru: Ekonomskog i Socijalnog savjeta Ujedinjenih nacija (ECOSOC, inter alia ECE, ESCAP, ESCWA); UN Konferencije o Trgovini i Razvoju (UNCTAD) i UN Komisiji za međunarodni trgovinski zakon (UNCITRAL).

Prepoznata je kao organizacija koja zastupa interese špediterske industrije putem brojnih vladinih organizacija i organa, privatnih međunarodnih organizacija u polju transporta kao što su: Međunarodna Trgovinska komora, Međunarodna Asocijacija vazdušnog transporta (IATA), Međunarodna Unija željeznica (UIC), Međunarodna unija drumskog transporta (IRU), Svjetska Carinska organizacija(WCO), Svjetska trgovinska organizacija (WTO) i slično.

Prednosti za članice VTK/STK BiH:

- standardizacija postupaka, procedura, obrazaca, a samim tim i nivoa znanja i usluga koje pružaju špedicije,
- pružanje pomoći u oblasti profesionalne obuke i usavršavanja kadrova
- zaštita interesa špeditera, promovisanje i predstavljanje delatnosti na ekspertskim skupovima međunarodnih organizacija,
- razmena iskustava i poslovnih veza,
- jednostavnije rukovanje robom za vrijeme prevoznog procesa i izvršenja dopreme robe do krajnjeg odredišta

7. ISLAMSKA KOMORA-ISLAMIC CHAMBER OF COMMERCE- www.icci-oic.org



VTK/STK BIH učestvuje u radu ove komorske asocijacije od 1996. godine u svojstvu posmatrača.

Islamska komora je pridruženi organ organizacije Islamske Konferencije (OIC) i zastupa interese privatnog sektora iz 57 zemalja članica. Cilj ove Komore je jačanje saradnje u polju trgovine, informacionih tehnologija, osiguranja/reosiguranja, špediterstva, bankarstva, promocije mogućnosti ulaganja i zajedničkih poslovnih projekata u zemljama članicama.

Prednosti za članice VTK/STK BiH:

Prednosti za članice VTK/STK BiH:

- ostvarivanje direktnih kontakata sa komorama članicama Islamske komore te njihovim kompanijama-članicama;
- prezentacija BH privrede na web stranici Komore
- razmjena informacija od značaja za unapređenje ekonomske saradnje

Kontakt:

ST 2/A, Block 9, KDA Scheme 5 Clifton, P.O. Box 3831, Karachi-75600, Pakistan

Tel: + 9221 587 4756

e-mail: icci@icci-oic.org

web: www.icci-oic.org

8. REGIONALNO VIJEĆE ZA SARADNJU –RCC- www.rcc.int



Vijeće za regionalnu saradnju (RCC) zvanično je uspostavljeno na sastanku ministara inostranih poslova SEECp-a u Sofiji , 27. februara 2008.godine , kao nasljednik Pakta stabilnosti za jugoistočnu Evropu .

RCC se fokusira na promociju i unapređenje regionalne saradnje u jugoistočnoj Evropi (JIE) i podržava evropske i evroatlantske integracije. RCC pruža operativne kapacitete i radi pod političkim vodstvom SEECp .

Glavni zadaci RCC su da predstavljaju regije, pomažu SEECp , vrši monitoring regionalne aktivnosti , pružaju regionalne perspektive u projektima donatorske pomoći - posebno EU Instrumenta za pretpristupnu pomoć (IPA) program - podrška i povećana uključenost civilnog društva u regionalnim aktivnostima.

Savjet djeluje kao središnja tačka za regionalnu saradnju u jugoistočnoj Evropi i njegova ključna uloga je generisanje i koordinacija projekata šireg , regionalnog karaktera .

Rad RCC fokusira se na prioritetne oblasti ekonomskog i društvenog razvoja , energetike i infrastrukture , pravosuđa i unutrašnjih poslova , sigurnosne saradnje , izgradnje ljudskih potencijala i parlamentarne saradnje. Organizacija razvija i održava bliske poslovne odnose sa svim relevantnim akterima u ovim oblastima , kao što su vlada, međunarodne organizacije, međunarodne finansijske institucije , regionalne organizacije , organizacije civilnog društva i privatnog sektora.

Nedavno je RCC predstavio i 2020 Strategiju jugoistočne Evrope za kreiranje 1 miliona novih radnih mjesta.

Prednosti za članice VTK/STK BiH

-mogućnost učestvovanja u projektima razvojnog karaktera za cijelu Regiju

Kontakt:

Regional Cooperation Council Secretariat
Trg Bosne i Hercegovine 1/V
71000 Sarajevo
Bosnia and Herzegovina

Tel. [+387 33 561 700](tel:+38733561700)
Fax. [+387 33 561 701](tel:+38733561701)
E-mail: rcc@rcc.int

9. CENTRALNO EVROPSKA INICIJATIVA-CEI-www.cei.int



CEI je međuvladin forum za promovisanje političke, ekonomske , kulturne i naučne saradnje među državama članicama . Njegova osnovna misija je : Regionalna saradnja za evropske integracije. Bosna i Hercegovina je član od 1996. godine.

U tom kontekstu , cilj političke saradnje je obezbjeđivanje fleksibilne , pragmatične platforme za regionalnu saradnju , u isto vrijeme fokusirajući se na pripreme određenih zemalja za buduće pristupanje Evropskoj uniji (EU) . Pri tome , posebna pažnja je posvećena izgradnji kapaciteta ne- EU zemalja članica CEI koja se ostvaruje kroz transfer znanja i razmjenu iskustava među onim zemljama koje su članice EU i one koje nisu.

Osim toga, CEI je u jedinstvenoj poziciji da djeluje kao most između makro -regija, kao što su Baltička, Dunavska , Jadranska i Crnomorska regija.

Područja aktivnosti: klima, okoliš i održiva energija; razvoj preduzetništva uključujući i turizam; razvoj ljudskih resursa; informatičko društvo i mediji; međukulturalna saradnja; multimodalni transport; nauka i tehnologija; održiva poljoprivreda; međuregionalna i prekogranična saradnja.

U okviru CEI-a, formirana je i Inicijativa privrednih komora zemalja članica CEI-a-CECCI koja predstavlja poslovnu dimenziju CEI-a. CECCI djeluje kao regionalni forum za saradnju između komora u svim državama članicama CEI ,putem organizovanja događaja čiji je cilj promovisanje poslovanja i preduzetništva u regiji (ekonomski forumi i sl). Strateški ciljevi CECCI-a su: razvijanje uloge zastupnika privatnog sektora pred nadležnim državnim organima naročito u pogledu prekogranične saradnje; jačanje međusobne saradnje među privrednim komorama u cilju jačanja njihove strukture vis- a- vis vlade , javne uprave i privatnog sektora (posebno MSP) ; razvijanje aktivnosti i infrastructure privrednih komora s ciljem što boljem zadovoljavanja potreba poslovne zajednice; razmjena informacija i kreiranje projekata od značaja.

Prednosti za članice VTK/STK BiH:

-mogućnost učešća u radu resornih radnih grupa za unapređenje saradnje;

-učešće na forumima i događajima sa ciljem predstavljanja projekata i mogućnosti poslovne saradnje sa partnerima iz drugih zemalja;

-mogućnost učešća u relevantnim projektima.

Kontakt:

CEI Secretariat

Via Genova 9
34121 Trieste
Italy

tel: +39 040 7786 777

fax: +39 040 360 640

email: cei@cei.int